



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCCCCXLVII. ad annum MDXXVII.

Parisiis, 1644

VIII. Quod clerici non induantur luctuosis vestibus.

urn:nbn:de:hbz:466:1-15644

floreni pro teste prædicto pœna puniantur. Decani nihilo minus & alii ad quos id pertinet, si multiplicationem prædictam remiserint quoquo modo, ipso facto a diuinis per mensem qualibet vice noverint se suspensos.

VII.

Cælestis hierarchiæ rex, qui sua mundum inefabili prouidentia plasmauit, ita quidem actus nostros in beneplacito suo direxit sanctæ maiestatis, ut & laboris & requiei dies non immerito destineret. In illis enim Dei populus in sudore vultus sui vesceretur pane suo, in his fatiscentia membra a seruili opere detracta, Deo offerre curaret. Eapropter nos prædecessorum nostrorum vestigiis inhaerentes, sacro approbante Concilio, diebus Dominicis & festiuis ab omni seruili opere fideles quiescere iubemus: nec liceat cuiquam rusticalia seu artificialia opera exercere, aut agros colere, nisi urgente necessitate, vel euidenti pietatis causa, & hoc de licentia sui sacerdotis. Infideles vero præfatis diebus officiis suis publice non utantur. Contrarium vero facientes, per iudices, officiales, vel alios ad quos spectat, legitime puniantur. Qui si negligentes in hoc fuerint, grauiter puniantur: si vero dolo vel precio contrarium permiserint, ipso facto sententiam excommunicationis incurrant.

VIII.

Locus ob-
securus.

Quamuis omnis gloria* aspira, cum ad æternam salutem abintus esse debeat, verum quia militamus illi, cum quo omnis pulcritudo agri est, vilibus vestibus uti non debemus. Absurdum ergo &

ANNO
 CHRISTI
 1473.

reprehensibilem quorundam clericorum abusum, qui lugubres & luctuosas vestes induunt, & flebiliore quam suæ congruit honestati, ex eo se reddunt, quia parentes consanguineique eorum & amici corruptibilem carnis nostræ molem deponentes, ad æternam patriam de præsentis exilii miseria conuolarunt, penitus abolere volentes; cum & secundum sententiam ore benedicto prolatam, qui credit in Christum, etiam si mortuus fuerit, ^{Ioan. 11.} viuet: præsentis constitutionis serie, sacro approbante Concilio statuimus, vt vltius luctuosas vestes induere clerici in sacris ordinibus constituti vel beneficiati nostræ prouinciæ non audeant. Contrarium vero facientes eo ipso a perceptione fructuum suorum beneficiorum per tres menses qualibet vice sint suspensi, * medietatem prædictorum fructuum pro expensis sequentis Concilii, medietatem vero pro teste synodali eos accusante applicandam. Episcopi autem & alii prælati præmissa obseruare teneantur: & si contra fecerint, viginti florenorum poenam pro qualibet vice eo ipso incurrant Concilio sequenti applicandam.

I X.

Tristissimo impellimur animo recensere turpis conditionis fœdissimum scelus, quo & clerici in conspectu populi contemptibiles redduntur, iramque diuinæ vltionis sibi thesaurizant, & reuerendissimum illud serenissimumque Christi corpus omnem mundi pulcritudinem excellens, sacerdos pollutis manibus (proh pudor) tractare non formidat, dicente Domino: *Discedite a me* ^{Psalms. 6.}